



Шочмо эл, порумук да гым берр!

8 (3240) №,
2016 ий 20 февраль,
шуматкече.

ЯМДЕ ЛИЙ

1933 ий 1 февраль годсек лектеш.

0+

23 февраль - Шочмо элым аралышын кечыже

Ме улына ўшанле алмаштыш



Российсе кадет-влакын X сәттышт
Севастополь, 2015

Ах, Ольош, ну
молодец! Алексей
ПУРТОВ (снимкыште)


гай рвезе-влак ончыкыжым
элнам аралаш тўгалыт гын,
ме йўд омынам ласкан эртарена.

Рвезе тений Советский район Ургакш лицейын кадет
классшым тунем пытара. Кў лийшашым изинек шонен
ямдылен. “Уло тыгай профессий: элым аралаш”, - ойла
Алексей, да ты шонымашкыже пенгыдын ошкылеш. Тудо
ўшанле йолташ, сайын тунемше, тале спортсмен.
Ўмаште Ульяновск областыш “Идалыкын тунемшыже”
конкурсыш миен, ончышо-влакын призыштым сулен.
Муралтен-кушталтен колта – кумылетымак савыра!
Спорт таңасымашлаш Россий мучко коштеш. Шукерте
огыл телымсе полиатлон дене спорт
мастерыш кандидат лийын.

Тудо ача-аван гына огыл,
Шочмо элын кугешны-
шашлык марий эргыже!

А.ЭМАНОВА.

Кодшо рушарня
Марий Элыште “Российын ечыгор-
ныжо-2016” таңасымашке 20 тўжем еҗ лек-
тын. “Корта” ече базыште вич тўжем утла еҗ
таңасен. Тушко Йошкар-Ола гыч Олег САМОКАЕ-
ВЫНАТ кок шочшыжо ушнен (снимкыште).



М.СКОБЕЛЕВЫН фотожо.



Кино идалы-клан пөлек лалтше мероприятий посёлкы со йоча библиоте кыште эртен. Тушко 2-шо «В» класс дене миенна. Йоча-влак станций-ла еда кошты-ныт. Онай вик-ториныште уш-акылыштым тергеныт, чолга-влак шере пөлекым налыныт. Вара чылан мультфильмым онченит.



Кино тўняш унала

Л.ГУРЬЕВА.

1-ше номеран Морко школ.

Конкурсыш ушныза!

Марий Эл Республикасы элгөргө паша министерстве «95 лет на страже правопорядка» йоча сўрет конкурсым увертарен. Таңасымашке элгөргө паша органлаште тыршыше ача-ава-влакын 5-14 ияш икшывышт-влак ушнен кертыт. Сўретым А-4 форматан кагазеш ыштыман. 2016 ий 1 апрель марте колтыман.



23 февраль - Шочмо элым аралышын кечыже



«5»-лан!

Мый 2-шо классыште тунемам, математике урокым йоратем. Мыланем примерым шотлаш, задачым решатлаш келша. Урокышто доска дек куанен лектам. «Математике арня» годым эн шуко ребусым ыштышым. Олимпиадыште классыште икымше верым налым. Мый тыгай девиз дене тунемам: «Чтоб врачом, моряком или лётчиком стать, надо твёрдо на «5» математику знать!»

Павел ОСИПОВ.

Татарстан, Агрыз, Пелемеш.

Пайрем дене!

Пөръен ешлан эре кўлеш:

Пуалын колтыжо мардеж –
Туштат коча дек куржына,
Вашмут лачак уке гына,
Ала ачамым витараш?
Уке, лучо изам йодаш!
Кеч тиде мыскара гына,
Но ме тыгаяк улына.
Пөръен-влаклан

мый тыланен,

Шке шонимемым ойлынем:
«Кугу энертыш улыда!
Эн тўн: элнам араледа.
Те тыршеда

эр-кас, палем.

Пайрем ден шокшын
саламлем!»

Элина НИКОЛАЕВА.

Морко, Эгерсола.



Кочаем Евдоким Васильевич Суворов Чапчык ялеш шочын. Карай школышто тунемым. 1963 ий 4 сентябрьште армийыш каен. Тудо зенит да артиллерий полкышто Венгрия мландыште служитлен. Армий гыч пörтылмек, Ярамарий школышто ыштен. Вара "Дружба" совхозышто управляющийлан, механиклан, операторлан тыршен. Поро кумылан кочам кызыт – сулен налме канышыште. 23 февраль дене саламлем! Таза, пиалан лий, йоратыме кочаем.



Алёна АЛЕКСЕЕВА, 5-ше класс.

Волжский, Сотнур.



Чўчўэм Андрей Геннадьевич Соколов армийыште кок ий служитлен. Ик ий жапыште кум гана отпускышто лийын. Икымше гана толмекыже, ава эргыже армий гыч куржын манын лўдын, но лўмешыже толшо тауштыман. Чўчў-шан серыш эм Рус-чонжым лыпландарен. лан Вячес-Чўчўэмым шкенжым лавович Каза-сайын ончыктымылан ков 1998 ий контракт почеш служыжым армийыш житлаш кодынешт каен. Тудо Дагестанулаш. Но аваже таныште пограничник Роза Леонидовна лийын, Чечняште контракт (ковам) тунам почеш служитлен. Шочмо эл ончылно шкетын кум порышым сайын шуктымылан ятыр икшывым куш-медаль дене палемдалтын. Вара МВД-тен, сандене ыште пашам ыштен. 2014 ий 18 мартыште Симферопольышто йолташыжым снайпер пула деч утарышыла чўчўэм мөнгө колден. Патырлыкым ончыктымжылан пörтылын.

Элина МИРОНОВА.

Куженер,
Конганур.

Мужество орден дене палемденит.

Родион ЕМЕЛЬЯНОВ.
Оршанке, Тошто Крешын.




Принтер – Өршаште



Советский район Өрша школыш мийымына годым «Могай куан, кунам чылан пырля ме улына!» манын муралтышна. Куанын амалжат кугу: 2015 ийыште юнкор да литературно-творческий пашам сайын виктарен колтымылан В.Б.Исенекоев лүмеш премийнам тиде школын юнкор кружокшылан пуымо. Чапле пөлекым, принтерым, кружокым вуйлатыше Р.Г.Антроповалан кучыктышна.



Конкурсын спонсоржо - "Мий пашам" сылнымут фонд. Вуйлатыше писатель Василий КРАСНОВЛАЧ кугу таум ойлена!



Школышто 43 үдыр-рвезе тунемеш, школ пеленысе йочасадыш 31 нюга коштеш. Нунын дене 12 туныктышо пашам ышта. «Изи школышто ик еш гае илена. Кечмогай тўшка пашам уло школ дене ыштена, ача-ава-влакымат ушена. Кажне тунемше – шинчаончылнына: молан шўман улмыжым, куанжым да ойгыжым палаш тыршена, – ойла школ директор Сергей Михайлович Халтурин (снимкыште). – Мый волгыдо да сай ончыкылыкклан ўшанем».

Уоча-влакым шочмо мари йылмылан, сылнымутлан Роза Геннадьевна Антропова кумыланга. 2-9-ше класслаште мари йылмым кугыжаныш йылме семын тунемт. «Уроклаште «Ямде лий» газетым кучылтына, – палдара Р.Г.Антропова. – Тыгай чапле премийым налмаште кажне тунемшын надырже уло».



Ўдыр-рвезе-влак, Шочмо йылмын кечыжлан да вашлиймашлан пөлеклен, изирак концертм ямдыленит. Чолга юнкорна Диана Халтурина верысе поэтессе Римма Александровна Смоленцеван почеламутшым лудо. «Ямде лийым» 83 ийым темымыж дене саламлен, 7-ше классыште тунемше үдыр-влак: Юлия Мочалова, Диана Топорова, Наташа Иванова, Диана Халтурина – «Шочмо кече» мурым пөлеклышт.

3-4-ше класслаште тунемше-влак мари куштымашым ончыктышт (снимкыште). Юнкорна-влак шочмо йылме нерген сылнымут монтажым ямдыленит.

«Калык илаш шона гын, ойжат лийже, йўлажат, ынже пыте йылмыжат!» – иктешлен каласышт йоча-влак.

Л.ГРИГОРЬЕВА. Н.СЕМЕНОВАН фотожо-влак.

Кеч-могай наукыш корно – Шочмо йылме – тўн йолташ

Шочмо йылме – шинчымашым погымаште эн ўшанле энергыш. Садлан тудым кажне икшыве кыртмен тунемшаш. Шинчымашын кумдалыкшым ий еда олимпиаде терга. Теният тыгай тагасымаш Марий кугыжаныш университетыште 13-14 февральыште лийын. Икымше кечын 9-11-ше класслаште тунемше-влак шочмо марий йылме да литератур, татар йылме да литератур, кугыжаныш марий йылме, ИКН предметла дене республик кўкшытан олимпиадыште уш-акылыштым тергенит. Шочмо марий йылме да литератур дене сенгыше-влак Марий Элын чапшым рушарнян регион-влак кокласе олимпиадыште ара-ленит. Ты тагасымашке Пошкырт, Татарстан, Свердловск кундем гыч толшо ўдыр-рвезе-влак ушненыт.

Марий йылме дене Пошкырт кундем,

*Пагалыме «Ямде лий» газет редакций!
Школна изи, улыжат 34 тунемше. Кажне тунемме ийым лўдын, тургыжланен вучена: школнам петырат але уке? Упша кундем ожнысек марий яллан шотлалтын, но школышто марий йылмым тунуктен огытыл. Илен-толын, ял рушаҥын. Кызыт марий йылмым кугыжаныш йылме семын тунемына. «Ямде лий» газетым кызытеш мый гына налам. Материал-влакым урокышто кучылташ тыршем. Лудына, кусареҥа, йоча-влаклан пытартыш лаштык поснак келша. «Ямде лий» – пеш оҥай газет, тўрло уверым пален налаш лиеш, тўрлў чия дене сўрастарымыже мом шога! Тау тыланда!*

Н.А.ЛЕЖНИНА, тунуктышо.
Оршанке, Упша.



Марий йылме дене I верым налыныт:

**Мария Андреева (Морко, Кожлаер, 9-ше кл.),
Елена Глушкова (Советский, Ўшнўр, 10-шо кл.),
Ангелина Соколова (Волжский, Карай, 11-ше кл.).**

**III вер – Регина Асанова (Татарстан, Агрыз, Кўлегеш),
Марта Юркина (Советский, Ўшнўр, 11-ше кл., I вер);
Надежда Тимирьянова (Пошкырт, Калтаса, Павасола, 11-ше кл., II вер).**

Марий литератур дене:

**10-шо класс коклаште
I вер – Анастасия Богданова**

(Советский, Ўшнўр);

II вер – Елизавета Сайпушева

(Пошкырт, Краснокам, Арлан);

(Татарстан, Агрыз, Кўлегеш).

I вер);

Надежда Тимирьянова (Пошкырт, Калтаса, Павасола,

11-ше кл., II вер).

Янаул район, Байгузино школын кок тунемшыже – **Валерия Тапуева** (9-ше кл.) да **Виктория Афонькина** (10-шо кл.) – **кокимшо верыш** лектын. **Николай Ильин** (Татарстан, Агрыз, Буймо, 11-ше кл.) шке тагашыже-влак коклаште **кокимшо**

вер дене палемдалтын. Ты кундем

Муслўм район, Марий Пўлер гыч

Эльвина Шамукаева (9-ше кл.)

кумшо лийын. Эше ик **кумшо вер**

Свердловск кундем, Ачит район,

Марий Карши школын тунемшыже

Марина Ивановалан (8-ше кл.)

пуалтын.

Л.ГРИГОРЬЕВА.

Куанен тунемына

Мыланем марий йылме урок

келша. Тушто ме йылмым шыл-

лена, шоньмынам

марий йылме дене

раш ойлаш тунем-

мына. Йылмынам

пойдараш тиде

урок пеш полша.

Даша МАЛЫШЕВА.

Волжский, Кугу Корамас.

Пүртүс



муро

Вучымо жап

Идалыкын чыла жапше мотор, кумылым савырыше. Телылан йоча-влак чот куанат. Мамык гай ош лум лумеш, пушкыдо төшак мландым леведеш, лывыла пörдын волышо чинче лум пырче пушенге укшыш мотор йүксö гай койын шинчеш. Телымсе чодыра йомак туням ушештара. Ял воктенысе курыкышто йоча-влакын йүкышт торашке шергылтеш. Нуно ече, издер дене курык гыч мардежла писын волат, куанен мунчалтат. Яндар южышто тазалыкыштым пентгыдемдат.



Аня СЕМЁНОВА, 6-шо класс.
Морко, Эгерсола.

Ушан киса

Мый кайык-шамычым пеш йöратем, садлан ачамлан кормушкым ыштыктемнам. Тушко кинде пудыргым оптем. Эше кочам окна ончыл кашташке коям кылден сакен. Тушко ик киса коям авызлаш чонештен толеш. Пеш онай кочкеш: йолжо дене кояшке унчыли пижын кечалтеш, вара коям чунга. Таня шужарем дене тиде кисам каже кечын эскерена.

Маша ДМИТРИЕВА,
1-ше класс.
Морко, Коркато.



Толын йүштö теле.

Кайыкклан чот неле.

Чотак пургыжта,
Кочкыш петырна.

Дима ОГУРЦОВ, 2-шо класс.
Волжский, Сотнур.

Телым йöратем

Кундемыштына теле озалана. Йырымваш ошо. Пушенге-влак мотор ош тувырым чиеныт. Игече йүштö.



М.ШЕМОНАЕВАН сүретше.
Йошкар-Ола, 7-ше номеран школ.

Южгунам мамык лум лумеш, урем мучко поран «куржталеш». Кокклан кече ончалеш гынат, мландынам ырыктен огеш керт. Чодыраште илыше янлык-влакын илышышт вашталтын.

Анна АЛЕКСАНДРОВА.
Куженер, Уштымбал.

Конкурс!
Марий Элысе чодыра да сонар озанлык министерстве йоча-влакклан "Ятичий дом" кормушко конкурсым эртара. Ушныза!

Кайыкым пушкыш

Кумшо классыште тунемше-влак (снимкыште) каже ийын шулдыран йолташыштан полшат. Нуно у кормушкым ыштат да тоштыжымат тöрлатен сакалтат. Кормушко-влак класс окна гыч койыт. Йоча-шамыч могай кайык толмым, кудо кормушкыш кочкышым пыштышашым эре эскерат. Кайык-влак нерген почеламутым шонат.

Н.Г.НИКИФОРОВА.
Волжский, Пöтъял.

Чодыра – тазалыкым пушышо тöнеж. Врач да эмлызе. Мынар углекислый газым юж гыч налеш, мынар тонн кислородым луктеш. Садлан тазалыкым пентгыдемдыме лагерьым чодыра коклаште верандат. Йоча-влак, теат чижкыдын чодыраш яндар южым шүлалташ лекса.



Могай теле пайрем?

1. Пушенгыште йүштö годым мо налеш? 2. У ийлан могай пушенгым сöрастарат? 3. Мо дене кожым сöрастарат? 4. У ийлан могай коча толеш? 5. Мардеж да лум. Мо тыгай?

Диана ИВАНОВА.
2-шо номеран Шернур школ.

**Туныктышылан
полыш
8-ше классыште
лудшаш
произведений**

(Мучаш. Тўналтышыже –
7-ше номерыште.)

Изи рвезын шинчавўдшў лекте. Шортынат колтыш. Аван вурсымыжо, кырымыж дене огыл. Эх, икана вурсыжо ыле, шенгеч пералтен колта гынат, чыла чытет. Тыште огыт вурсо, огыт кыре. Туге гынат шинчавўд чўчкыдынак лектеш. Тыге чыташ лиеш мо?..

Рвезе окна воктеч кораңе, пўлемышке ошкыльо. Шонго ўдырамаш почешыже ончен кодо. Изиш лиймеке, тудо омсам почын ончале. Ваня, кроватьышке кумык возын, вуйжым пушкыдо кўпчыкыш пыштен, йўк-деак нюслен кия.

– Ваня, Ванюша... Молан шортат? Иктаж-кў обижаен мо? – ўдырамаш, рвезе деке лишемын, воктеке шыже шинче.

Могай пушкыдын, лыжган ойлымо йўк. Молан лач рвезын чонжым ок куштылемде? Ава тыге шичшаш, тыге йодшаш ыле.

Рвезе шортмым чарныш, вуйжым ўрдыжыш савырале.

– Те мыйым эре ондаледа, авам толеш, маныда. Уке, авам уке! Молан ондаледа?.. – шонго ўдырамашын шўмышкыжў йўсў шомак-влак керылтыч.

Ондаледа. Эх, Ваня, Ваня. Мом ышташ вес семынже? Кузе тыланде умылтараш?.. Ондаледа.

Ондалет, конешне. Мом эше каласашыже?.. Теве могай илышет. Эргылан ава кўлеш. Аваже уке. Ванян аваже. Тиде пўр-

тыштў чыла йочанак аваже уке. Тыште уке гын, вес вере улыт. Кушто улыт?.. Молан огыт тол?..

Ўдырамаш рвезын вуйжым ниялта. Ўпшў шўртнянге тўсан. Эх, кузе ты ўдырамаш тыгай вуйым ниялтыде чыта? Могай чон дене ила тиде ава?.. Шонго ўдырамаш, ала-мом шарналтен, келгын шўлалта.

Эх, тиде шокшо кенеж касым мондаш лиеш мо? Тудын дежурствыжо ыле. Пычкемышалташ тўғалын, омсам тўкалтыме йўк шоктыш. Уремыште ошалге

шукто, толшо ең, вўдылкам омса воктек пыштен, вашкерак лектын кайыш.

– Чыталтыза, вучалза...

Ўдырамаш пычкемыште йомо. Мом ышташ? Кушпурен каяш? Шонго ўдырамаш вўдылкам кидыш нале, эркын рончыш. Рвезе. Могай изи. Шукерте огыл шочын.

Тидыже тыге. Шке илыме курымыштет шуко ужаш верештын, но тыгайым...

Мыяр тургыжланымаш йўдшў-кечыже лийын. Аза айдемак лие. Айдемак. Кў

пала,
мыяр
гана,
Ванюш,
тыйым
ты кид

ТУЛЫК ОКНА-ВЛАК

Михаил КУДРЯШОВ



(Курыкмарла гыч
Л.Кудряшова кусарен.)

ўпан, йыргешке чеверчуриян самырык ўдырамаш шоген. Шинчаончалтышыже гына порын ыш кой. Кидыштыже – ош простынеш пўтыралме вўдылка.

– Налза, пожалуйста, тидым...

Логарыш кочо моклака кўзен кайыш, омсамат мўнгеш шўкалме шуын колтыш.

– Эрла кондеда, таче вараш кодында...

– Уке, эрла марте омвучо. Налза, пожалуйста. Мылам ок кўл...

Мылам ок кўл. Шонго ўдырамаш улыленат ыш

дене нумалаш верештын? Тевыс, от чыте, шонго кидет дене йўратен ниялтен колтет. Кў вара весыже ниялта? Кў тыге йўрата?.. Тулык икшыве-влакым...

Аваже. Кызыт кеч шоналта гын? Шке эргыжым. Эргыжым? Уке-е, тудо ава огыл. Ава лўмым нумалок керт. Кузе тыгай шакше чонан ең тўняштыже илен сеңа? Могай корно дене коштеш?..

Шинча кумалте. Рвезе мала. Тамле омо дене мала. Мале, тургыжланыше изи чонетым лыпландаре. Кеч жаплан...

Кугу кумда окна-влак... да изи йоча вуй-влак. Яра сад, пуста корно. Чыла вере йўсў, пуста, йокрок...

* * *

– Ваня-а! Ваню-уша-а! Мый ават улам!.. Мый!.. Шогал! Ит ка-ай!..

– Уке, тый авам отыл! Мыйын авам уке-е!..

«Уке, уке, уке...» – Мардеж шке семынже курык ўмбалне шогышо ўдырамашын ошалгенарынче ўпшым чыла вельшкат лупша.

Ф.ЛЕБЕДЕВАН сўретше.

– Ончыч качымарийым армыйыш ужатыме годым йоратыме йдыржб нершовычым пөлеклен, – палдара Ангелина Шадрова (снимкыште). Тудо Медведево районсо Пекшиксала школышто кудымшо классыште тунемеш. – Нершовычым йдыржб ике кидше дене тюрлен да тюрло семын сорастарен. Мый тидын нерген Сенькан школышто эртыше «Марий йўла чоныштем ила» пайремшыште пален налым. Шкежат тыгай солыкым сорастарен ончышым.



Авторын фотожо.

Марий Элысе тюрло кундемыште илыше калыкын йўлаже тюрло. Тидым самырык тукум пален кушшаш.

Толеш пайрем, порьен пайрем,
Коло кумшо февраль.
Тиде кечын чыланат
Пөлекым нунылан ыштат.
Дарья АНДРЕЕВА, 3-шо класс.
Волжский, Пөтъял.

Тидланже пырля погынен эртарыме пайрем-влак кугун полшат.
Л.ГРИГОРЬЕВА.

Шеклане

Лумым кышкылтын модаш кө огеи йорате? Но икте-весын ймбак кудалтыме годым шинчаш ида логалте. Уке гын, модыш гыч лодыш лийын кермеш.




Ялем

Модай сылне шочмо ял,
Тудын лумжб – Нурўмбал.
Тушто уло кок урем,
Иктыштыже мый илем.
Весышкыже коштедем,
Кечын модам Андрей ден.
Чапле курык – мыланна,
Шер теммеш мунчалтена.
Даниил ГРИГОРЬЕВ.
Морко район.

Айста модына «Вашла лўйкалымаш»

Модшо-влак кок командылан пайлалтыт, капитаным ойырат. Команде-влак кок вельш верланат. Капитан-влак кудо командылан мече логалшашым ойырат, шкешт модыш гыч корангыт. Мече логалше команде вес командым «лўйкалаш» тўналеш. 2-3 мече дене модаш лиеш. Кўлан мече логалеш, тудым «пленыш» налыт. Кў мечым кучен кертеш, тудлан ешартыш «илыш» пуалтеш. Модшо-влак чылан «пленыш» логалыт гын, тунам капитан модмашке ушна.



Н.М.ВЕДЕРНИКОВ,
физический культур туныктышо.
Йошкар-Ола, 13-шо №-ан школ.

Ачам эре пашаште

Ачам – тракторист. Корным эрыкта, фермыш шулдым, олымым шупшыкта да тулеч моло пашам шукта. Тудым Ачамландым аралышын кечыж дене саламлем, кужу ўмырым, пенгыде тазалыкым тыланем.

Полина ЛАТУХИНАН
сўретше.
Советский,
Ўрша.

Виолетта ИШИМОВА.

Ачам пеш уста гармоньчо, клубышто спектакльлаште мастарын модеш. Мый тудлан эреак тыгай самырык чонан, таза лияш тыланем.

Володя ПАКЕЕВ.

Ачам – нефтяник, бурильщик. Тиде паша куштылго огыл, сандене тудо кок арня пашам ышта, кок арня кана. Пайрем дене саламлем, чыла сайым гына тыланем, ачай! Мый тыйын гаяк лияш шонем.

Данил ДИМИТРЕВ,
6-шо класс.

Татарстан кундем,
Агрыз район, Буймо.



Модай кўмыж гыч нимом кочкаш огеи лий?

Тазалык лук

Пўнчб лўс имунитетым пенгыдемда. Тидлан ик стакан лўс ўмбак 600 мл шокшо вўдым темыза. Ик шагат шинчыктымеке шўрыза. Вара тушко пел лимонын сокшым пыштыза. Кечыгут изин-изин йўза.



Индекс
Роспечать - 52713, МАП - 78574.
Тираж 1300 экз. Заказ 525.
Формат - А-4-8.
Директор-тўн редактор
Л.В.СЕМЕНОВА.
E-mail: yamde_lii@mari-el.ru,
yamde_lii@mail.ru
Сайтын адресше: yamde-lii.ru,
Тел. 45-25-49(факс);
45-22-82.

УЧРЕДИТЕЛЬ-ВЛАК:
Марий Эл Республик-
се культур, печать да на-
циональность паша шо-
тышто министерстве, "Ям-
де лий" газет" кугыжаныш
унитарный казенный
предприятий.

Газетым Массовый коммуникаций сферыште да культур наследийым аралымаште законодательством шуктен шогым эскерыше Федеральный службн Приволжский федеральный округысо управленийыштыже регистрироватлыме.
Номер – ПИ №ФС 18-1999,
2005 ий 10 февральыште
пуымо.

Печатьыш пуымо жап – 14-00,
фактически – 13-00.
Ак – кутырен келшыме
почеш.

Авторын да редакцийын шонимашыш тюрлб лийын кертыт. Серыш-влак мўнгеш огыт колталт.

0+

Газетым редакцийыште погымо да верстатлыме, «СТРИНГ» ИПФ ООО-што ямде оригинал-макет гыч савыктыме. Типографийын адресше: 424006, Йошкар-Ола, Строитель урем, 95.

Редакцийын да издательын адресше: 424006, Йошкар-Ола, СССР Вооружённый Вийын 70-ше идалыкше урем, 20.

МЕАТ САЛТАК ЛИЙЫНА



Тиде

танкым (снимкыште) кум арня ыштенна.

Эн ондак йоча-влак изи кольмо да изи ведра дене лумым нумалыныт. Вара танкым ужар, а шудырым йошкар чия дене чиялтенна. Йоча-влак дене армий нерген кутыренна. Мӱнгышт гыч кондымо фотографийыштым ончыктен, йоратыме ачашт, кочашт нерген каласкаленыт. "Кушкын шуынат, армийыш каена, салтак лийына!" – товатленыт рвезе-влак.

ТУШТО

Шкеже ок ыре, а весым ырыкта.

Ик кугу руш кок окна гыч ончен кия.

Марина УРАЗАЕВА.
Морко, Шӱргыял.

А.А.УНЖЕНИНА,
воспитатель.

Медведево, Светлый,
"Лесовичок" йочасад.



КРОССВОРД

1.Афган сар годым плен гыч утлен толшо экипажын командирже. 2.Курыкмарий район гыч герой-лётчик. 3.Фронтышто колышо марий поэт. 4.Г.Матюковскийын рвезе нерген поэмыже. 5.Лӱйкалыме оружый. 6.Миным кычалше. 7.Пионер-герой удыр. 8.Шернур район гыч Совет Ушем Герой. 9.Марий кундем гыч Совет Ушемын икымше Геройжо. 10.Тушман деч аралалташ кӱнчымо лаке.

Максим ГОРИНОВ.
Куженер, Уштымбал.

Морай да мыйр цифрым муыда?



Мардеж деч писынрак!

Адак тольо теле. Лектам мунчалташ. Йоча-влак коклаште Улам мастер-класс!

Улам мый эн писе, Чолга да мастар. Кертам чонештен Мардеж деч писынрак.



Йолташ-шамычем ден Кертам учашен. Финишыш эн ончыч Пурем мый, куанен!

Сергей КУШАКОВ,
4-ше класс.
Морко, Коркатово.

Лу ойртемем му.

